

甌

甄

洞

藁

飯飯洞藁卷之十二

武昌吳國倫著

始安張鳴鳳校  
新安方尚贊校

五言律詩一百二十二首

華嚴公館題壁

落日照空館  
踈楊見遠村  
督郵曾問俗  
過客易銷魂  
道路俱民力  
衣冠盡主恩  
春陵題賦者  
悽惻至今存

宿赤烏觀

木落空山裏  
蕭然古法堂  
何年黃鶴去  
此地赤烏翔  
劍色澄秋水  
鐘聲散夕陽  
應悲宜遊客  
騎馬逐風霜

匡山卽事二首

誰謂乾坤大狂生亦簿書不成收五穀猶似逐三閭  
山水情偏狎文章癖未除陶潛骨已朽松菊是吾廬

其二

移官復此地萬里自君恩未卽辭彭澤猶能憶薊  
門兒年湖上長宦蹟洞中存蹇拙非無意難從達者  
論

偶作

少年金紫客延佇是何人耳目須臾改乾坤汗漫新  
塵途俱失馬宦業倘圖麟交態應如是無妨一遠臣

歷陵公館

暮雲銜馬首，迢遞入山城。  
細雨蒲塘色，西風石鼓聲。  
雄心疲道路，病骨強簪纓。  
巷哭何爲者，乾坤未解兵。

再宿赤烏觀

地僻車仍到，亭空榻故懸。  
未能諳守黑，且復叩談玄。  
古樹寒凌雪，方池晚鏡天。  
簫聲明月下，真欲挾飛仙。

除夕李實夫署中同劉使君守歲

湖上雪初霽，梅花滿郡城。  
君來已歲暮，客久況春生。  
促膝寒燈色，停杯候鴈聲。  
何當今夕後，海內罷論兵。

夏日與二客小飲

何日不堪醉青山滿郡城葵榴酣宿雨燕雀劇新晴  
總失風塵計羞傳案牘名惟應方外客握手慰平生

月夜過吳章山

一竅天全久重巖境不迷暝雲隨白馬涼月上丹梯  
迴與風塵絕翻愁河漢低行行望五老又在石門西  
閏七夕

勿謂期難再相將秋已深尋常河漢影奄忽女牛心  
環佩響如昨機絲愁至今奈何兒女輩重欲效穿鍼  
詠落星石

熒熒落星石乃在大湖中黯澹支機色孤危底柱功

浪吹鯨甲動雲起鵲橋通不逐神鞭去歸然駕仙宮  
答宗子相見寄

逐客有何意清樽日自開匡山千古事闡海一書來  
造物寧吾黨風塵更爾才燕山攜手後無地不堪哀  
寄徐汀州子與

萬里傷春意它時或未同物情殊自遠吏態總難工  
却問閩中使曾逢海上翁惟應兩行淚揮作楚天虹  
簡用晦

別後南州詠題來字字工列侯曾汝貴遷客與人同  
得意羣愁裏知音萬態中玄傳應可守吾自愧楊雄

立秋夜對月

不厭清齋臥其如節序侵天風飄桂魄井露下桐陰  
暑未辭團扇秋偏入素琴不須搖落盡先老逐臣心  
秋日匡山七首

爲吏匡山下悠然靜者心訟庭馴野雀書閣敞秋陰  
待月三湖暝看雲七嶺深未須嗟束帶隨地足浮沈

其二

時命豈復達南浮遂有年行藏增婦病飲啄藉兒憐  
江關遲歸鴈庭荒咽暮蟬稍聞薦雄者翻自愧無玄

其三

零王悲難賦相如渴未蘇銜 恩從簿領計粒飽是  
拏落日下三逕秋風生五湖漸諸高枕趣不復著潛  
夫

其四

倚伏誰能測千秋合自盟大名非我有往事亦人情  
月借銜杯色江懸伏枕聲豈應遷客夢容易到神京

其五

閉閣營何事羣書枕北窗星辰占戀闕風雨助哀江  
應馬心初定雕龍意未降蹉跎問歸計端媿鹿門龐

其六



采采涉江去芙蓉秋水寒如何  
雜佩色難共美人看  
灑淚題雲錦含情束素紃  
不知彭蠡鴈曾得到長安

其七

海內同心者秋來意惘然  
風雲俱失策山水信無弦  
月落九江夜星分五嶽  
天相思無眼淚不敢傍人懸  
有懷劉使君

天地豈不廣匡山吾與君  
腐毫侵歲月攜手過風雲  
涸沫危相煦離魂遠不分  
莫將狂客賦仍使貴人聞  
爲宗良悼內

堂上楚妃色秋風一夜摧  
爲雲忽自散奔月幾時回

桂影局泉石簫聲咽鳳臺菲生豈不遠鼓缶益堪哀

簡川晦

燁燁諸王第君偏臥草亭抱書當五柳窺戶有羣星  
佳句故人識清歌老父聽便堪了生事無復羨明經  
病中喜四兄至二首

急難誰堪藉題書淚未收異鄉遷客病一日九江舟  
不待能分痛相看已破愁歸耕何處可款款爲予謀  
其二

三載湘川別盈盈望獨賒君來忘臥病坐久當還家  
風急鵠聲慘江寒鴈影斜無將憔悴色歸對紫荊花

憶端兒

如何千里客能別四齡兒  
失計仍升斗還家且歲時  
啼號依母去剪拂向誰私  
若傍堦庭秀無論玉樹枝

答用晦

問訊南州使春來日醉鄉  
詩成吾亦畏年少爾難量  
百卉驕新雨孤亭抱夕陽  
不知章水上誰共拾芬芳

晦日過潯陽喜晴

正月苦多雨那知晦獨晴  
花爭七嶺秀波熨九江平  
敢有窺天意真愁吠日聲  
誰家晚驅犢深傍白雲耕  
暮春發南康左別駕鄒文學羅上舍載酒送予

數里許泊舟對月

薄暮發孤城維舟江浪平  
春隨遷客去月傍故人明  
共有離居歎翻慙治郡名  
來朝覩雲物何處不含情

別宗良

紙筆人能好成章爾更多  
好持杯酒共其奈別離何  
天意從詩癖江聲起棹歌  
無勞爲招隱去去白雲阿  
初還山中于鱗元美自青  
齊遣使見慰賦答四首

一騎三千里東來雪滿津  
得書移海岱揮淚向風塵  
萬事存哀郢羣疑屬過秦  
故人能慰藉壁立未應貧

其二

投荒吾自取二子念何深  
竝牘驚人語三年逐客心  
星河搖起視風雨暗行吟  
已似長沙弔慙非汨水沈

其三

北海提戈久東山伏枕高  
傍人終虎尾閱世但鴻毛  
交白論文重名應縱酒逃  
舊遊君自見鼎立定誰曹

其四

五老忽相失秋風歸去來  
頗無遷客態猶使故人哀  
白雪開書札浮雲過酒杯  
岱宗高不極東望日徘徊

答徐子與見訊二首

舊事憐漂泊書來獨愴神  
敢辭懷璧罪虛老觸藩身  
足側途仍坦囊空道未貧  
湘江流日夜千古一波臣  
其二

三年不相見何地可忘君  
倚枕來鴻鴈拋書下白雲  
所悲弦易絕勿悔袂輕分  
漁父滄浪曲時從澤畔聞  
答張子培見寄

不道傳書至翻增別思多  
舊遊成夢寐生事起悲歌  
日月逝如此山川其奈何  
北風將涕淚蕭瑟楚江波  
方回山莊三首

舟行四十里三日始停橈  
浥露尋山逕梯雲過石橋

已無塵跡近而況美人招一聽南薰曲炎威坐自銷

其二

愛爾幽棲處尤宜避暑來圖書偏狎客景物解憐才  
岸幘花間出肩輿樹杪回吾將枕流臥莫令酒籌催  
其三

用世饒經術承家況素封萬山廻拄笏一水到停筇  
熟菜童能獻新醅嫂自供無須苦投轄客興久逾濃  
卜居五首

畏途何日定歸臥且江邊選地差容膝爲牆但及肩  
客攜問字酒兒乞作碑錢入夜長安月猶從枕畔懸

其二

城上諸峯立簷端百雉侵只須憑戶牖已可當登臨  
靜擬羅含宅踈稱阮氏林胡爲楚澤畔憔悴獨行吟

其三

逢時豈不早薄宦竟如斯寸土錐堪立分陰甕屢移  
浮雲歌蜀道赤日弔湘纍欲作忘機客翻增海鳥疑

其四

庭堦不盈尺種樹欲爲林衣桁苔能上書籤露亦侵  
窮工遷客賦僻稱野人心此意卽山水無須託素琴

其五



學仙猶未得，頗亦好樓居。  
小築眠堪穩，高臨望獨舒。  
地連雲夢澤，窻入斗牛墟。  
便欲招黃鶴，遨遊任所如。

喜雨東林使君

六月苦不雨，三農幸有天。  
已疑枯瀚海，忽作潤桑田。  
畏日原吾意，爲霖藉汝賢。  
遂令消渴起，舒嘯北窻前。

贈端兒

素業緣先志，玄傳倘後塵。  
鳳毛非敢望，雞肋會能伸。  
得果驕分妹，呼茶走應賓。  
綺琴操傍汝，籬曲更堪新。

留別二叔

十載三悲別，茲行更黯然。  
淚痕如昨日，生事已餘年。

老自增詩癖貧誰具酒錢 帝京千里夢隨月度湘

川

庚申二月九日再舉子

予被調里居一年而此兒生兒生纔四日而予

又北上賦此志感

偶爾窺天意從來任物情不緣官再謫那得汝重生  
日後牛爲力人前犬是名呱呱纔四日如應別離聲  
周太守明少府俞文學虞叅軍載酒餞予郊外

賦此爲別

雨過羣山媚鶯花對酒新如何遠遊子負此故園春  
於世真無補之官却爲貧諸君但強健蚤晚共垂綸

渡濠梁

復作浮淮客中流意黯然水痕城上落沙磧浪中懸  
行色催看劍歌聲起扣舷鄉書千里外隔此又誰傳  
酬吳峻伯督學

天造論文地心期握手前嶽雲衣上立海日鏡中懸  
三月任城酒千秋梁父篇深知倒屣意不爲濫竽傳  
途中憶端兒

此別殊容易其如旅夜孤夢歸先抱汝得食迴忘吾  
遠道偏愁緒貧家亦掌珠不妨年漸長只莫負懸弧  
憶堂兒

汝生能幾日遽別豈人情逐宦蹤無定攜家計未成  
書來知學語思極誤呼名蚤晚含飴弄真於萬事輕

調歸德作

但得寬嚴譴微官任屢遷渡河依旅食就郡學高眠  
脩竹梁王逝新書賈傳傳此中多舊蹟吟眺且流年  
夜同張肖甫吳化卿集黎惟敬所得棲字

欲問武陵谿桃花路已迷未能成遠去何敢厭卑棲  
紫塞胡烽入青雲苑樹齊不辭杯更把重惜手難攜  
送陳鳴仲戶曹謫閩中

君今亦去國閩海正論兵是處難行路何方可變名

文章同此病樽酒若爲情莫使三山色徒窺白髮生

送徐少府赴南宮

尚書徐思行兄也

抗志青雲薄之官墨綬新且從畿內邑一問曲陽津  
簿領酬恩易雲山憶弟頻秣田應可種不爲酒錢貧  
黎惟和吏部宅同其兄惟敬夜集

燕臺仍此夕歡極更沾襟月助銜杯興天空話舊心  
二毛年屢易百足世難任却羨雙黃鵠同棲玉樹林  
次廣平瞿使君景明邀過城南亭子避暑

平野荷香散空亭暑氣收酒杯河朔傲風景習池幽  
花擁孤城霽波迴六月秋君能憐孺子一榻此堪留

入魏郡

野色澹無際孤雲逐馬來路縈千柳出城挾兩河開  
雨氣含沙麓烽煙入魏臺塞帷問故老誰復豢龍才  
過子路墓

由也千秋事一丘遺至今可憐聞瑟日先識結纓心  
碣臥樵知避臺荒客更尋蒲人思舊政風雨泣秋林  
暮止李園

停車道傍館箕坐晚涼生月鏡千花影風弦萬竹聲  
且容山簡醉莫問辟疆名況有深棲鳥能知倦客情  
至歸德二首

過宋心初穩遊梁賦豈工一官遷謫老三黜古今同  
臺榭臨河曲衣冠近洛中難將賈生淚重灑漢王宮  
其二

所經席未暖朝野自孤蹤多病微官好無能長吏容  
夢中誰是蝶塵外客猶龍二子如堪作吾將曳履從  
郡之蒙城卽莊周本邑李耳生於  
苦縣今鹿邑其故墟也詩用其事

李侍御子元魯行人朝選招飲睢州新城樓

登樓興不淺況有故人杯水接城中道沙平樹杪臺  
暮雲攜手盡涼雨振衣來莫問楊朱路吾愁醉亦開  
客大梁酬灌甫中尉二首

授簡人安在逢君更兔園購書金屢盡折節道逾尊  
落日停籃舉微風欵席門可憐劉子政心事但予論

其二

黃河意不極宛轉抱城流浪雪孤臣滄寒生二室秋  
日攜河上手一醉酒家樓若問中原事顛波逝未休

寄謝茂秦二首

送君還鄴後吾亦臥江垂身僅逃魚腹名猶附兔絲  
累年消息斷末路死生期永夜平臺月愁人枕獨欹

其二

黃河分一縷相望不相親老態能如昨時情任自新



同遊多故物斯道竟何人珍重千金諾無勞憶逐臣  
梁邱胡教授王紀善過訪因贈

吏隱名偕好同車出魏宮醴樽王未懈詞苑客相雄  
嶽色生衣上河流入鏡中漢家興禮樂誰問兩生功  
哭劉方回郎中

別去無多日秋風正爾思虛疑江客至不寄故人詩  
把臂已無地招魂安所之可憐吳季子脫劍掛何枝  
暮止陳園

不道園光暝猶添野趣深月欄花淅歷霜砌柏陰森  
造次移樽興從來抱甕心石牀臥未穩烏鵲起前林

天寶觀題

未悟長生訣停車問息機  
鼎湖龍欲下緱嶺鶴曾歸  
霞色封玄圃香煙入紫微  
種桃人不見殘碣臥斜暉  
宿觀中再作

谷口玄都觀松間白石牀  
擁衣雲欲結欹枕夜何長  
鼎氣居龍虎簫聲下鳳皇  
翛然欲羽化不必夢黃梁  
李川父僉事隱居

何事拂衣早蓬蒿自客星  
郢中曾識曲河上獨傳經  
日向銜杯永雲隨拄笏停  
風塵那可問天地一鴻冥  
冬日用汲園見梅

正喜梅初放，翻驚歲欲闌。影疎宜避雪，香細忽生寒。  
春事杯中得，鄉心笛裏殘。偶同何遜賦，還似廣陵看。  
晚次柘城

入市疑村落，荒隄遶白沙。河吞株野盡，城逐柘溝斜。  
暝日疎煙火，春風緩物華。微官已素食，問俗轉堪嗟。  
春來雨雪兼旬，答魯行人感賦見貽之作

二月冰仍合，三川候不同。宋風占退鷁，梁雪斷歸鴻。  
見睨期何暮，生春律未工。幽蘭且勿吐，朔氣正凌空。  
寄李給事元樹時量移汝寧丞

獻納名誰重，當年左拾遺。批鱗輕萬死，積羽中羣疑。

旂突黔何地 君環賜有期  
偶同陳蔡厄 吾道合如斯

在大梁與元樹言懷

造次邯鄲別于茲 已八年  
況經嚴譴後 苦憶素交前  
灑淚黃河落 論心赤口懸  
君恩各未報 豈獨病相憐

夏日憩太平庄李氏

爲厭風塵色 聊停處士家  
水雲浮不定 村日澹初斜  
門遶隋隄柳 庭移洛苑花  
悠然逃暑趣 河朔未應加

贈周象賢文學

北學名偏美南圖志未伸  
囊錐留國士斗水急波臣  
抱器誰瑚璉傳經卽梓輪  
平津倘開閣寧復滯風塵  
再詠盆荷二首

河上雨新霽案頭荷始花  
納涼非選勝散吏卽休衙  
曉蓋團珠露秋房挺赤霞  
欲乘蓮葉舫隨意泊天涯  
其二

亦識官如寄栽花但紀年  
相將荷製服不必藕如船  
西嶽尋仙晚東林結社偏  
閉門成野趣那使世人憐  
長葛道中晚霽

雨霽葛仙池南征客已疲  
虹侵返照出馬蹴亂雲馳

積潦橫新渡樓鴉失故枝隔村聞戍鼓涼月起何遲  
人日費郡丞見過

江關思不極郡閣坐無歡問客知春事將詩託歲寒  
雪呼梁市酒花笑漢臣冠醉愛鉶梅色猶疑御苑看  
春懷六首

累薦名非有羣猜意不驚簿書存宦跡車馬見人情  
敢惜勞筋骨無能答聖明猶餘十年淚沾灑漢長  
纓

其二

只似梁王客登臺氣黯然詩增雲物妬病得酒杯憐

兵火無安土妻孥況各天何曾惜風景終夜不成眠

其三

竊祿微無補憂時劇不禁江山懸帝力宮闕見天心  
曲突猶非晚前籌合更深萬方眉可察那得不沾襟

其四

物意自難合故人殊可憐望風疑赤幟掩耳問朱絃  
血染吳江水躬耕歷下田庭枝囀黃鳥相憶獨潸然

其五

漸朽維揚骨難招嶺外魂看詩論伯仲將淚問兒孫

白馬何人至黃泉此意存綿綿總長夜抔土任乾坤

其六

難後書相訊江鴻亦自愁兵驚茗水臥老作漢京遊  
白雪春持酒黃雲暮倚樓窮途各自畏何處好相求  
社日飲費尚寶宅

柏社春爭媚桐門燕始來風喧祈麥鼓天助酹花杯  
只欲鄉愁破無令物候猜徃時金馬隱賜肉漢庭回  
贈王文學

自託王門隱真能玩世情屢空仍好客垂老未憂生  
節俠諸侯重酣歌一坐驚尊鱸非不美恥失丈夫名



夏日同諸客過李氏別業

郭西開小逕花際擢層樓累石殘中嶽憑雲當十洲  
解衣深避暑展簟忽生秋不道相如病猶能續夜遊  
贈王陳州大猷

宛丘東道主止我數停軒杯酒深相慰風流不可援  
謠聞三異政文觀一家言何物吳中產聲光滿兔園  
奉祝少師徐相公六十詩二首

赫赫徐夫子身爲帝者師詔成三殿草光動萬  
年枝況是雲雷解非關雨露私坐能宣四序不待問  
牛知

其二

國步今逾坦 君恩久益新  
門勤中使問 筵錯大官珍  
捧日看儀鳳 當天屬畫麟  
瑤池無甲子 桃實見陽春

光山道中

故園秋欲老 歸路草萋萋  
人語參差近 江雲咫尺迷  
倚空梯絕磴 犯雨棹前谿  
不惜兼程苦 林曛勿遽低

朱氏山亭

駐馬叩林扉 攜壺上翠微  
逕蟠千樹入 亭俯百泉飛  
掃石爲禪榻 留雲結客衣  
徘徊託心賞 不是醉忘歸

里居聞量移建州二首

罷擬閑居賦愁增拙宦名  
逡巡趨末路慷慨負平生  
江上初還棹山中一問耕  
俄聞收放逐又有越南行

其二

宣室久無夢泥途忽見收  
稍聞朝論定翻爲謗書留  
雷雨天難測盈虛爾未籌  
漸寬湖海淚往事亦東流  
哭友人朱懋之二首

總角能分席顓門竝刺經  
湖雲雙筆彩林雨一燈青  
愧我嬰簪紱嗟君塌羽翎  
豈知多難後又應少微星

其二

出處猶同世幽明忽異途長當違二仲何以託諸孤  
玄草日以散白楊風自呼金陵千里外歸櫬好誰扶  
里中元日

亦有妻孥樂春愁漫不禁無聞成老大強仕只浮沈  
曉雪蘭皋霽春雲魏闕深十年望京日又向武夷岑  
答周象賢自真陽遣訊

與子河梁別經春意不舒雪中來一騎天上落雙魚  
自分移官遠非關遇主疏平臺舊賓客誰復賦玄  
虛

初春懷子與

汝南書未得澤畔首重回雪憶芳樽共春知短髮催  
幾年成拙宦千古問憐才正好江梅色枝枝向汝開  
九江逢顧季狂山人云遲予旬日矣

未識狂生面相求意已偏春來湓浦岸日望漢江船  
酒至掀髯笑詩成擊節傳生涯何處問浩蕩五湖煙  
席上贈季狂

聞君遊鄴下日日茂秦生縱酒非無謂談詩驟有名  
因窮三楚勝遂作九江行向我酣歌發魚龍莽自驚  
春日赴闕舟行卽事八首

乘春辭鄂渚幾日滯江州却是風無度生憎水逆流

妻孥攜自悔童僕坐交愁獨有廬山色連雲護客舟

其二

昔臥匡君地經行感慨多洲前遮父老淚下問風波  
宦跡吾無與兵聲爾奈何丹心還自照石鏡好誰磨

其三

春漲平湖闊晴雲萬里翔鏡中行五老天際入孤航  
病枕欹難息詩筒廢不妨美人隔章浦星斗夜相望

其四

蠡澤浪如山鄒陽一水間棹隨風候發鳥趁夕陽還  
敢畏川途險兼愁旅食艱鯨鯢鬪未息誰共海鷗閒

其五

宛轉舟前樹春陰鬱未開  
水蟠雲錦出帆掛石虹來  
生無石虹俱山名不必兼程計  
原非利涉才  
棹歌隨處發新月待銜杯

其六

莫怪郵程緩灘如九曲纏  
浪花吹岸轉石齒夾江懸  
氣候風雲變人聲楚越遷  
不知春事盡忽覩落榆錢

其七

取道南荒去鄱陽向弋陽  
山浮龍虎氣客坐水雲鄉  
洗藥時停棹披書獨據牀  
八年流更遠只益鬢毛蒼

其八

泛泛桃花渡還如過武溪氣蒸沙磧暖香入水煙齊  
老大虛簪紱山川厭鼓鼙問津何所適漁父亦終迷  
滕進士邀集池亭同王使君

累石崑崙小開筵曲水重竹鳴初夏雨亭取隔城峯  
且醉羣芳色同浮萬里蹤猶疑楚江上相望采芙蓉



龍虎洞葉卷之十二終

甌甌洞藁卷之十三

武昌吳國倫著

始安張鳴鳳  
新安方尚贊校

五言律詩一百二十首

王使君子薦招飲范氏池亭二首

闕圃黃華曲招遊藉使君山形飛不定花氣鬱難分  
石上揮殘雨波間醉白雲閩南多戰鼓莫令此中聞

其二

石楯扶寥廓巖扃鑿杳冥細尋苔逕入不放酒杯停  
壁款千花麗池涵九曲青青商歌未闕衣袂落羣星  
延平周使君仲舍邀集先鋒閣

骯髒非能吏登臨藉隱侯嚴城開列嶂飛閣跨雙流  
化劍神應合先鋒氣未休何當閩海晏莫使至尊  
憂

訊丘鳴周光祿

往時金馬客侍從有詞名倉卒青山計支離白首情  
避人心轉畏懷主夢猶驚東海何難決頻年未洗兵  
寄題陸廷尉道田吏隱亭二首

怪是趨朝日偏餘在野心避人開徑小取意著花深  
池寫西山色亭披上苑陰豈須逃綬冕然後有登臨

其二

知君能玩世箕坐此亭中景入羣書僻詩當百卉工  
臨流疑在洛結石小成嵩獨有滿湘客銜杯悵未同  
樵溪早發

曉石融殘雪春流漲紫雲舟乘懸孤發灘擬建瓴分  
地險孤城據夷歌八郡聞敢云勞跋涉未罷越南軍  
紫雲溪名

溪行達延津三首

放船奔如駛塵溪便鶴溪榔鳴千石裏逢掛七臺西  
岸樹青相逼汀蘋綠未齊山家兵火後今始問鋤犁

其二

雨迫山衣長春浦水鏡重古今何勝迹天地此浮踪  
樹杪移雙棹波心插萬峯延津猶未渡匣劍倚如龍

其三

海氣忽氤氲津途向夕曛西來二水合中斷七閩分  
雀啄鐔州雪龍嘘劍浦雲天風吹戰角悽惻此時聞  
戲贈方君敬納姬

獨棹延津去雙輿越嶠來招搖雲作峽綽約鳳爲臺  
不聽幽蘭操誰知宋玉才春風弄機杼河漢亦相猜  
送吳丈還武夷

遠攜綠玉杖來自武夷山生理憑芝朮仙人贈佩環

著書逢尹喜望氣卽函關安得授綽綬從君煙霧間  
再得元美書怡然有寄二首

諸越春花老東吳信使歸一書將淚盡萬事與心違  
赤燧妨廬墓青雲委釣磯猶憐羈宦者不得遂雄飛

其二

物理誰能測朋情汝故敦風霜愁碩果歲月問盤根  
懷土江雲斷塞帷海色昏歸興不淺松菊未應存  
答敬美

短札心能吐新詩律已諧古人寧異物狂者自吾儕  
明月移江棹浮雲臥郡齋武夷如見訪千古一磨厓

奉訊林中丞移寓二首

上客無高館其如地主慚  
籬編五柳逕池擬百花潭  
燕雀飛相狎鯨鯢鬪未酣  
聊攜一樽酒乘月叩清談

其二

大塊真如寄無虛好自歌行  
厨儋石少四壁卷書多  
僅不愁風雨猶能蔽薜蘿  
東山如穩臥海內謂君何

校文因示諸生二首

太守二千石無能恥素餐  
好文成風癖得士擬奇觀  
敢信圖龍巧真愁識驥難  
飛騰合有會慎勿負儒冠

其二

少年簪彩筆一一氣凌雲辛苦愁知己飛揚向使君  
肯遺和氏璧將媿郢人斤只合幽蘭並逢時次第芬

寄張助甫吏部

汝南張助甫中路歎詩盟近體能殊衆移官未損名  
雪懸淮桂色秋斷楚鴻聲海上看雲物中原亦此情

光澤公署偶書

五馬逡巡出羣山突兀來人家兵火後官舍水雲隈  
問俗肩宜息勞歌意轉哀河陽春又逝桃李不曾開

溪行卽事

誰言于役苦吾意但行遊几上雲山合毫端水石幽



雙龍吟大澤一葦坐安流可惜閬王壘煙生處處愁  
舟中望黃谿山瀑布

倚棹看懸瀑蒼波十里寒玉龍飛不去銀漢瀉初殘  
響落層雲裏陰浮萬樹端幽懷一以愜合是使君灘  
明州人吳士以子與書見訪

徐孺已高臥緘書薦所知好龍疑有託烹鯉若爲期  
病後全妨酒君來一賦詩徘徊憶天月中夜海雲馳  
賦得雙珠贈兩兒

漫擬雙珠好時時護掌看波騰龍頷出月吐蚌胎寒  
照乘光猶細連枝影正圓不須裝桂櫝宛轉佐吾歡

家書報舉第三子志喜

十年三抱子，茲夕喜堪狂。  
力病能捐杖，看書自引觴。  
敢言龍有種，差足鴈成行。  
只怪秋來夢，時時在故鄉。

黃明府七十

汝賦歸來後，逍遙不問年。  
雲霞生綠髮，山水入朱絃。  
晝卻籃輿走，宵依石榻眠。  
誰知彭澤令，卽是武夷仙。

重過南浦用晦攜酒出訪共賦文字

爲憶章門別，停驂一問君。  
倒衣乘岸月，載酒踏江雲。  
岐路予將老，詩篇汝不羣。  
請看舊彈劔，猶自錯星文。

輓劉伯繼

嗟君從末路偃蹇向皇畿欲躡青雲去翻輿白骨  
歸故人思割席慈母泣征衣此目應難瞑重泉悟舊  
非

哭高伯宗左史四首

爾托王官去人憐濟世才心仍懸魏闕夢已謝陽臺  
露掌金莖渴風庭玉樹摧著書誰更續天意亦堪猜

其二

憶汝憂生甚看天獨據牀聖朝疎屈賈詞客在瀟  
湘萬態低眉過千金朽骨藏含哀不自任敢復過山  
陽

其三

應教先成賦憐才益賜田平生完布被垂死抱韋編  
弔客投湘少門人負土專論文今已矣相望獨潸然

其四

向來殊厭世何事不蜉蝣鬼宅還真好王宮遺祀優  
故人馳白馬關今指青牛若被修文詔應先賦玉樓

重過劉文輝山第

驅馬南仍北三年此再過石門幽不改花逕曲無多  
解榻延風雨開樽面薜蘿亦知君好客其奈旅情何

黃岡道中苦雨

風雨西陵道驅馳北望天萬山懸尺寸五馬歷迤邐  
僕御寒相弔琴書濕欲捐乞炊荒徑裏慚得館人憐

過孔子河

相傳孔子自楚返蔡經此楚人因以名河

夫子南遊後山川不可名問津千古事環轍至今情  
雨洗沙茸淨波吹石髮輕惟應楚孺子下馬濯塵纓  
道逢梧州錢使君叔美竝駕北上次長潭阻雪

命酌旅舍歡然賦此

使者蒼梧至逢予亦遠臣追隨瞻日月迅遞領風塵  
馬怯西陽雪衣遲漢苑春且拚村釀醉莫遣客愁新  
行經汝南有懷李子中

海上長相憶天中一寄書攜琴人漸老授簡客何如  
雪引西園屐雲停北郭車知君幽興發南向亦躊躇  
過真陽留贈周明府象賢

舊識昆明客重逢汝水濱才非百里見意與九霞親  
獨立憐吾道和光寄此身却看楊子後誰是守玄人  
小除日同惟敬楨伯夜飲約卿侍御所分得多

字

畏路難投足情親此再過客從燕市滿詩奈楚人何  
燭吐椒花焰杯搖琥珀波明朝歲且盡白髮較誰多  
熊元乘繼至同順甫再過

何意參辰後相逢又帝州旅情三楚合別淚一時收  
月落仍呼酒霜寒亦解裘升沈俱往事遮莫歲如流  
除夕與劉伯良文學坐談

逆旅憐吾病相依度歲寒幾時捐藥裹茲夕共辛盤  
禁漏催春至宮雲候曉看明朝薊門柳應似發江干  
問黎惟敬病

騎馬倦朝謁羈懷暮轉孤病疑詩作祟老傍酒爲徒  
牖雪西山入城雲北極扶衆人誇視草猶自著潛夫  
春夜范職方于公宅同其兄于中憲使及諸詞  
客卽席竝賦得辭字

海內聲相慕論交未厭遲  
星從諸客聚月爲二難私  
御氣飄金掌春雲注玉卮  
蘭衢吾未采虛步涉江辭

丁產墓

在新鄭之邢山

鄭圃雲偏黑邢山碣未磨  
天仍驚巷哭地已入夷歌  
碧草狐猿臥白楊風雨多  
還憐舊漆泚鳴咽管城過  
再經汝南訪張子畏留酌分得樓字

歸思春無那停驂是舊遊  
風塵雙敝屣江海一虛舟  
且載不興酒重臨懸瓠樓  
醉看楊柳色宛轉向人愁

### 光山夜行

渡淮經息壤望楚隔西陽  
遠樹山全暝濃雲月故藏



出林雙隼濕驚幔一鳥翔問宿村橋外松風掃竹牀  
塾所示兩兒

兒年次第長何以慰而翁萬事先儒術分陰是聖功  
斑衣聊竝拭彩筆謾相雄不必千金富垂堂戒爾同  
題丁文學石林塢

小署新移石居然幻景生崢嶸分白嶽突兀寫青城  
雪磴愁飛去雲峯儼削成披衣風雨夕彷彿聽泉鳴  
夏日攜壺登西塔寺同君敬季狂避暑共賦迷  
字

近塔雲無際聞鐘寺轉迷屢窮山樹杪忽出海天西

臺俯羣峯盡樽從二客攜吾將謝河朔逃暑臥招提  
得俞仲蔚書却寄

欲結雲霞侶常憑只尺書夢中迷往路兵後恐無廬  
筆載三辰麗歌調六管嗟太湖千萬頃何處避安車  
贈包護軍

慷慨登壇志蹉跎出塞行金戈寒自掣鉞騎夜長鳴  
薦士慚無力談詩畏有名誰言班定遠不是一書生  
發芋原驛

廻舟芋原浦落日大潮生雪滿窻中嶼天懸海上城  
山川含殺氣風雨入秋聲獨有孤雲色能憐萬里情

黃田山行

嶺路危如削嵐光鬱未分振衣臨絕澗矯首出層雲  
樹密猿相嘯村深鳥不聞流泉坐堪飽石外已斜曛  
七夕宿茶洋驛聽泉

行厨依曲磴驛署枕盤渦竹色清秋好泉聲永夜多  
稍疑開雪洞忽似響雲和起視雙星爛盈盈隔絳河  
發自劔浦山行入樵川卽事四首

溪遶九峯立雲將一劔飛渡橋星送客穿嶺露生衣  
宛轉松杉出冥濛霄漢歸經過曾幾日秋色滿林扉  
其二

萬山懸古驛云是越王臺  
駐馬桐陰合憑軒海色來  
兵戈遺勝迹鐘鼓發餘哀  
只怪前溪水東流不復回

其三

近海秋無力長途暑不醒  
緩攀垂墮石馬歇半荒亭  
忽雨泉爭沸深煙峽自扃  
叢林揮汗出沙草故青青

其四

沙口凌晨發逶迤石逕平  
松間無暑氣馬上得谿聲  
欲問漁人渡翻憎候吏迎  
浮雲過一瞬偏識宦遊情

計饗庾中卽事有感

一粟關民力繁征況此都  
案馳倉今過庭雜廩人呼

計歲聊伸縮襖田或有無衣冠如素食飢色待誰蘇  
郡齋與莊則勸夜話

異域今何夕同袍自少年蹉跎懷古意激烈送窮篇  
下榻山雲到當杯海色懸何曾悲老大紫氣拂龍泉  
送則勸還楚

馬度閭關險鴻驚楚塞長故人何遽別羈旅益堪傷  
醉裏孤城月行邊萬樹霜憑君寄雙淚一爲灑江鄉  
登丹臺同君敬作

樹遶荒臺合山憑曲磴扶負城開玉案傍井覓丹爐  
一眺人今古長生術有無諸峯如鶴立把酒爲君呼

哭二兄四首

海嶠雲時黑江關雪欲摧不圖鴻鴈至翻助鵲鴒哀  
顧影雙星墮吞聲萬慮灰塵纓何足棄遠在越王臺

其二

問疾書頻往求生願獨違幾時同布被無地續烏衣  
淚應霜楓落心先候鴈歸江樓虛在望花萼少相輝

其三

迢遙江漢水嗚咽不勝情庭掩三荆色途悲四鳥聲  
繫縈腸屢斷伏枕夢頻驚一夜空齋裏居然白雪生

其四

降割天何意餘生任百憂瞻依成隔世手足半荒丘  
獨有軀難殉其如淚未收綿綿無蚤暮千古一蜉蝣  
齋中對雪與陸秀才時爲阿端經師

閑閣雲生榻披裘雪擁天兒將飛絮擬君作映書便  
梁苑名虛重齊宮道未傳歲寒吾意在愁病好相憐  
鄭堯夫至時年七十餘矣

海國兵戈劇關途雨雪深那知垂老日未息遠遊心  
短褐持相贈新醅欸自斟無爲苦貧賤吾意亦山林

得劉仲將明府書却寄

時宅憂  
里中

苦憶劉明府銜哀傍故廬淚中能念我雪後一裁書

白葛名方重青萍色未舒祇今賢路闢早晚待公車  
喜季狂至自海上

署榻塵初解樽醅臘未開憐予方外友遠自越南回  
山海窮雙舄風霜叩七臺可能逢鬢色不染瘴雲來  
方景武茂才從季狂見訪

不忝尚書裔能從海客遊聞詩回鄴下抗志謁荊州  
路遶千峯出家無四壁留且沽樵市酒一爲破窮愁  
哭姪子金良四首

早歲嬰多難強年遂一丘腸隨衰父絕骨與稚兒收  
賭墅風猶昨招魂氣已秋相憐不相訣嗚咽漢江流



其二

廿載風塵際從予逆旅多幽燕勞食息甌駱省兵戈  
微祿分相藉深杯欵自歌一書成隔世歸計怨蹉跎

其三

傍人非汝意落魄憶當年縷裂妻無助囊傾母未憐  
羣疑增偃蹇一諾辨才賢此日看堂構幽明竝愴然

其四

歲月懸相訊風霜忽見摧人憐家不造天忌汝多才  
藥豈延年誤詞先絕命哀應捐竹林地爲汝治泉臺  
除夕郡齋同君敬守歲分得人字

海鄉還此夕童僕具盤辛短燭分殘臘深杯借早春  
歌前愁不遣坐裏髮能新只怪千門柳先窺萬里人  
元日阿端侍酒有述

經春猶是客空館獨攜兒進食增吾感論文破汝癡  
雲憐諸弟隔日惜異鄉馳解借青楊色當筵問鬢絲  
七臺寺五首

山水元吾癖乾坤此一區望峯行屢盡出石景猶殊  
鳥獻無名果龍銜不夜珠浮雲夾飛閣趺坐卽毘盧

其二

領郡無奇事看山一杖藜羣靈趨紺宇萬樹折丹梯

啓戶雲先入登壇晝亦迷何當謝塵鞅日臥海天西  
其三

鳥道青冥鑿龍宮絕壁銜臺支五色石僧老百花巖  
呪雨傳空鉢斷雲腰短鑊何年佛出世靈氣鬱松杉  
其四

一柱虛無力羣峯次第飛芙蓉開佛座蘿薜掛僧衣  
海月傳燈過巖雲作雨歸怪來稱福土無自著塵機  
其五

無復人間景兼之我輩遊試憑眞法界一覽大神州  
雷雨山腰過星辰石上流武夷三十六差足擬丹丘

四兄至悲喜交集成詩二章

七澤書寧遠三山夢屢驚  
塞鴻投影集池草隔年生  
執手重揮涕當杯亦愴情  
不知春色好曾復到庭荆

其二

羸馬間關度哀鴿慘淡呼  
非因憐逆旅那肯犯長途  
萬里腸仍斷三年病一蘇  
扁舟江海上何日遂尊鱸

王司理宅對花

脩然司理宅花石遶簷楹  
公暇饒春事樽前見吏情  
度風香不斷待雨色相驚  
醉倚長松臥樵嵐月已生

孫別駕招飲萬峯菴

萬峯城北寺一水望巖巖勝地誰能主美人今見招  
松風催進酒蘿月散鳴鑣總未逃禪去塵心已自銷

天妃閣眺詠

複磴初疑幻山樓迴自飛天隨雙澗落秋併一鴻歸  
石筍攢朱拱波紋倒翠微不知神女處彷彿見雲衣  
九日登高山同顧沈二山人宴集

欲縱三秋目同登萬里臺山空木葉下天盡海雲來  
白髮慚簪紱黃花戀酒杯留歡興未已蕭寺暝鐘催  
聞季狂遊寶蓋山爲當關所執戲寄此詩

信步名山去胡然有戒心煙霞開虎穴荆棘擁雞林

微服翻相厄南冠忽見侵旅魂殊不定猶抱白雲吟

贈建州王司理子敬

庚戌對公車時  
嘗與予同舍館

旅食逢君後蹉跎遠見親相看閩海色未老薊門人  
郡事迎能解郵書到易頻朝來歌白雪又寄幔亭春

除夕

故鄉仍寇盜歸計復蹉跎病借殘年遣愁爭此夜多  
敝袍占氣候長劒倚星河明日城南柳青青奈客何

順昌道中雨行

徒旅何相迫山行瘴雨中飛泉喧入瀨積霧潏浮空  
薄暮衣頻問泥途轍易窮巖間蓑笠者幾日望晴虹

宿順昌

三舍昭陽道其如風雨何白雲春望合芳草暮寒多  
造次停車騎蕭疎向薜蘿山城更漏永欹枕問明河  
富屯道中

劍浦趨樵浦春陰鬱未開乍疑山勢裂又是雨聲來  
路已經三宿溪仍遠七臺何當起東旭披拂問耕回  
同丁庸卿水口泛舟得山字

爲君留信宿溪上坐青山雙楫安流下孤雲返照還  
時情都眼底詩態豈人間倚醉看遙海扶桑擬共攀  
沈山人買妾

海日懸歸路何當去復疑琴能挑卓女舟似載吳姬  
醉擬高唐賦行歌白苧詞桑間逢舊婦莫以鬢如絲  
夏日同趙汝脩閣上人登凌虛閣

與客來逃暑逢僧竝叩關樓臺支一柱鐘鼓落千山  
薄霧平城湧孤雲逐鳥還憑闌悟空色結社偶人間  
與四兄言別二首

憶弟來何暮攜兒去正秋海風懸落木江鴈領歸舟  
止是傷離別非關怨滯留樽前數行淚難與夕陽收

其二

不道輕千里雲山海上看鼓囊星拂劒搔首雪盈冠



歸興先秋發離歌入雨寒江鄉正羣盜何處可投竿

夜過貧當

嶺道危無際攀躋夜已分林端斜隱月峽口密生雲  
倦馬依人息衣襖隔隴聞幽篴無足恐劒氣吐氤氲

驛亭對月

陰陰雙桂樹月色此亭看度海輪初穩窺雲魄漸寒  
關山懸短髮河漢倒層闌莫怪無枝鵲歸飛滯羽翰

袁明府南園夜集

五柳門初闢三花石竝幽地分烏坂勝池引鶴溪流  
已足逃仙令尤宜醉隱侯攬衣雲壑外清夜獨遶留

德甫用晦載酒訪予石亭館因屬以卜居之事  
旅思憑江館三年此一樽關山來楚客風雨暗章門  
短髮今無幾新詩敢自尊移家好相傍豈復礙乾坤

至日大冶縣作

命駕纔三舍吹葭又一陽髮華霜耐短愁緒日增長  
暖欲回山縣春先動帝鄉遙應周太史重奏五雲  
祥

陳廷評玉叔康山人裕卿夜過席上得工字

臥雪春初霽看雲暮已空物情歸塞馬吾意在冥鴻  
得客窮相慰論詩老未工却愁岐路隔無復此樽同

真陽烈婦詩

不盡著娥淚無歸舊婦身死生齊早暮河嶽自精神  
東海冤誰白上虞碑未磷可知同穴處雙燕亦含辛  
西平遇程近約使君夜談

何意巴西客還於汝上逢江山千古思車馬一時蹤  
促膝移寒漏微言解病容明朝許昌道聯轡閱嵩峯  
奉送麗中丞巡行五路屯鹽三首

南海麗夫子中臺漢法卿會朝三獨坐乘傳五都行  
國計懸咨嶽王風屬問耕請看新雨露隨轍起蒼生

自昔邊難實誰稱  
虜易攻限田非漢制  
煮海亦齊風  
策借農桑晚憂懸社稷  
同可知蕭相國飛輓定元功  
其三

群牧非虛讓天王  
已借籌便宜搜粟令  
清切負薪憂  
萬馬鳴秦塞  
雙熊歷禹州  
歸來慰宵旰  
不齒富民侯  
題項豹章半華山房

見道三生石能分二華  
峯山腰支短榻  
屋角掛寒淙  
但好披書臥誰應著屐從  
憑雲一以眺海色上芙蓉

調高州二首

三黜元吾道流言自物情  
不成投傳往猶作剖符行

沈璧心難信償金迹易明貪泉今更酌聊以見平生

其二

風雲天步廣日月帝圖新獨有投荒客還同蹈海  
人丹心懸自照赤漢渺無津誰道陵陽璞翻從別後  
珍

贈洪從周

三見貧如故十年愁奈何賣文供藥餌僦舍長藤蘿  
酒載楊郎少書工蔡史多古今一長夜白石向誰歌

贈沈箕仲

有酒且燕市無媒自沈郎青雲重拂拭白葛起昂藏

日落談天館沙昏結客場此時雙鬢色那得不蒼蒼  
于鱗起家赴浙寄懷二首

總抱青霞臥難藏白雪名蒲輪天上出桂棹越中行  
末路從夷險斯文屬重輕思君萬里月翻借客星明  
其二

傲吏嗟何病乾坤事事違浮雲心自薄白日語能飛  
不復驚投杼因之悟息機誰將九霞色爲我製初衣  
陳玉叔攜具同諸山人過集席上得心字

白雪論交盡春雲抱病深因君能載酒與客暫披襟  
不定風塵色難持少壯心蘭蕙楚江曲只復夢行吟

留別陳太史子錫陳廷評玉叔

一葉南天下含愁自上林不妨投異俗何以報同心  
海鴈將書遠宮雲入夢深樽前薊門柳惜別故陰陰